Ўзбекистон Республикаси номидан ХАЛ ҚИЛУВ ҚАРОРИ

Ғаллаорол тумани

2024 йил 12 январь

Ғаллаорол туманлараро иқтисодий суди раиси-судья Ш.Қодиров раислигида, судья ёрдамчиси Э.Мамаражаповнинг котиблигида, даъвогар вакили О.Қулдошев (2024 йил 12 январдаги 156-сонли ишончнома асосида) иштирокида, даъвогар "JIZZAX FV AGROKLASTER" масъулияти чекланган жамияти манфаатида Ўзбекистон Савдо-саноат палатаси Жиззах вилоят худудий бошқармасининг жавобгар "Бодомзор хосили" фермер хўжалигидан 11 840 000 сўм қарздорлик ундириш тўғрисидаги даъво аризаси бўйича ишни Ғаллаорол туманлараро иқтисодий суди биносида бўладиган очиқ суд мажлисида кўриб чиқиб, қуйидагиларни

аниқлади:

Ўзбекистон Савдо-саноат палатаси Жиззах вилоят худудий бошқармаси "JIZZAX FV AGROKLASTER" масъулияти чекланган жамияти манфаатида жавобгар "Бодомзор хосили" фермер хўжалигига нисбатан Ғаллаорол туманлараро иқтисодий судига даъво ариза билан мурожаат қилиб 11 840 000 сўм қарздорлик суммасини ундириб беришни сўраган.

Суд мажлисда иштирок этган даъвогар вакили жавобгар томонидан бугунги кунда қарздорлик қоплаб берилганлигини маълум қилиб бу ҳаҳида маълумотнома таҳдим этди.

Фермер хўжалиги вакили суд мажлисига келмади.

Суд иш хужжатлари билан танишиб чиқиб, даъвогар вакилини тинглаб қуйидагиларга кура даъво талабини қисман қаноатлантиришни лозим топади.

Иш хужжатларидан кўринишича "JIZZAX FV AGROKLASTER" масъулияти чекланган жамияти ва "Бодомзор хосили" фермер хўжалиги ўртасида 2023 йил 14-март куни F/85-сонли "Қишлоқ хўжалик маҳсулотлари харид қилиш бўйича" контрактация шартномаси тузилган.

Шартномага асосан, "JIZZAX FV AGROKLASTER" масъулияти чекланган жамияти томонидан фермер хўжалигига бунак хисобига 11 840 000 сўмлик маҳсулот берилган.

Бироқ, етказиб берилган ушбу махсулотлар қиймати фермер хўжалиги томонидан қоплаб берилмаганлиги ва у даъвогар олдида қарздор бўлиб қелган.

Даъвогар "Қарздорликни тўлаш тўғрисида" ги талабномалари жавобгарга жўнатилган. Жавобгар томонидан даъвогарнинг "Қарздорликни тўлаш тўғрисида" ги талабномалари жавобсиз қолдирилган.

Шунга кўра даъвогар манфаатида Ўзбекистон Савдо-саноат палатаси Жиззах вилоят худудий бошқармаси судга мурожаат қилиб ушбу қарздорлик суммасини ундириб беришни сўраган.

Бироқ даъвогар вакилининг маълумотига кўра фермер хўжалиги томонидан бугунги кунда қарздорлик суммаси қоплаб берилган.

Қайд этилганлардан келиб чиқиб ва иш хужжатларини таҳлил қилиб суд даъвогарнинг даъво аризасини рад қилишни давлат божи ва почта ҳаражатларини жавобгар зиммасига юклашни лозим топади.

Юқоридагиларга кўра ҳамда Ўзбекистон Республикаси Фуқаролик кодексининг 236, 333-моддаларини, Ўзбекистон Республикаси Иқтисодий процессуал кодексининг 176-179, 186-моддаларини қўллаб, суд

қарор қилади:

Даъвогарнинг даъво аризаси рад қилинсин.

Жавобгар "Бодомзор хосили" фермер хўжалигидан даъвогар "JIZZAX FV AGROKLASTER" масъулияти чекланган жамияти фойдасига тўланган 34.000 сўм почта ҳаражати ундирилсин.

Жавобгар "Бодомзор хосили" фермер хўжалигидан Республикаси бюджетига 340 000 сўм давлат божи ундирилсин.

Хал қилув қарори қонуний кучга киргач ижро варақалари берилсин.

Ҳал қилув қарори қабул қилинган пайтдан бошлаб бир ой муддат ўтгач қонуний кучга киради.

Мазкур ҳал ҳилув ҳароридан норози тараф бир ой муддат ичида аппеляция тартибида, ҳал ҳилув ҳарори ҳонуний кучга киргандан сўнг эса олти ой ичида касация тартибида Ғаллаорол туманлараро иҳтисодий суди орҳали Жиззах вилоят суди (иҳтисодий ишлар бўйича судлов хайъати)га шикоят (протест) бериши мумкин.

Судья Ш.Қодиров

